

PRILJEŽJE			
Opisak	Broj	Podpis	St. m.
011	01.5	ML	1/00

HADIS JUSIĆ, zastupnik u Skupštini Unsko – sanskog kantona

**SKUPŠTINA UNSKO – SANSKOG KANTONA**  
n/r predsjedavajućeg Skupštine

**PREDMET: Prijedlog Zakona o izmjenama i dopunama Zakona o oružju i municiji Unsko – sanskog kantona, dostavlja se,-**

Shodno odredbama člana 84. stav (2) tačka c) i člana 109. Poslovnika Skupštine Unsko – sanskog kantona („Službeni glasnik Unsko – sanskog kantona“ broj: 9/17 i 11/21) u prilogu akta dostavljam Vam Prijedlog Zakona o izmjenama i dopunama Zakona o oružju i municiji Unsko – sanskog kantona, uz sljedeće

**O b r a z l o ž e n j e**

Koristim svoje poslovničko pravo i predlažem prijedlog Zakona o izmjenama i dopunama Zakona o oružju i municiji Unsko – sanskog kantona

Razlozi za donošenje izmjena i dopuna ovog Zakona proizilaze iz činjenice da su se u primjeni ovog zakona pokazali određeni nedostaci zbog kojih se odredbe ovog zakona ne mogu detaljno primjeniti jer su iste dosta apstraktne i nisu jasno i precizno definisane.

Predloženim izmjenama definisale bi se određene oblasti koje tretira ovaj zakon na način da se poboljša njegova primjena, te da građani budu jasno upoznati sa svojim pravima i obavezama.

S poštovanjem,


Prilozi:

- Prijedlog Zakona o izmjenama i dopunama Zakona o oružju i municiji sa obrazloženjem,
- kopije članova osnovnog teksta Zakona o oružju i municiji koje se mijenjaju.

Dostaviti:  
① Naslov  
2. a/a

Zastupnik u Skupštini  
Unsko-sanskog kantona

Hadis Jusić





Shodno odredbama IV.1. i V.A.11.b). Ustava Unsko-sanskog kantona - prečišćeni tekst ("Službeni glasnik Unsko - sanskog kantona", broj: 1/4 i 11/04), Skupština Unsko - sanskog kantona na sjednici održanoj dana donosi:

## ZAKON O IZMJENAMA I DOPUNAMA ZAKONA O ORUŽJU I MUNICIJI UNSKO – SANSKOG KANTONA

### Član 1.

- (1) U Zakonu o Oružju i municiji Unsko – sanskog kantona („Službeni glasnik Unsko - sanskog kantona“, broj 15/21), u članu 2. u tački c) podtački 4) briše se
- (2) U članu 2. u tački c) u podtački 9) poslije riječi “potvrda za prenošenje oružja i municije” dodaju se riječi “u vlasništvu pravnog lica”
- (3) U članu 2. u tački c) u podtački 10) poslije riječi “potvrda za prenošenje oružja i municije” dodaju se riječi “u vlasništvu pravnog lica”
- (4) U članu 2. u tački e) u podtački 3) iza riječi „oružju” interpunkcijski znak „tačkazarez“ se briše, dodaje se interpunkcijski znak „zarez“ i dodaju se riječi: „nošenje u ruci, okačeno o rame, leđa, grudi, na boku.”
- (5) U članu 2. u tački e) u podtački 4) riječi: „uz prethodnu prijavu nadležnoj policijskoj stanici” brišu se.

### Član 2.

U članu 4. u stavu (2) iza tačke g) interpunkcijski znak „tačka“ se briše, dodaje se interpunkcijski znak „tačkazarez“ i dodaju se nove tačke h) i i) koje glase:

- h) optički nišan
- i) vazдушna puška

### Član 3.

U članu 7. u stavu (3) riječi „javnom mjestu” brišu se.  
U članu 7. u stavu (7) broj ”21” zamjenjuje se sa brojem “18”

### Član 4.

- (1) U članu 9. stav (2) tačka b) mijenja se i glasi: “da je navršio 18 godina života”
- (2) U članu 9. stav (4) se briše te stav (5) postaje stav (4)
- (3) Dodaje se stav 6 koji glasi: "Posjedovanje važećeg oružnog lista se smatra ispunjenjem uvjeta iz stava 2 i stava 3 ovog Člana Zakona"

#### Član 5.

Član 15. stav d) mijenja se i glasi: ako lice koje će provoditi obuku u rukovanju oružjem u organizaciji ili ustanovi za provođenje obuke u rukovanju oružjem ispunjava uvjete iz člana 9. stav (2) tačka a), b), d), e) i f) i stava (3) tačka a) i b) ovog zakona i ako posjeduje certifikat obrazovne i stručne ustanove ili druge odgovarajuće organizacije ili institucije za certificiranog instruktora u rukovanju vatrenim oružjem.

#### Član 6.

- (1) U članu 24. u stavu (1) broj „pet“ zamjenjuje se brojem „deset“.
- (2) U članu 24. stav (3) mijenja se i glasi: „Vlasniku oružja kojem je izdat oružni list, dozvola za nošenje oružja, odnosno odobrenje za držanje vatrenog oružja, Ministarstvo unutrašnjih poslova dužno je poslati obavijest prije datuma isteka važnosti isprave o oružju.“
- (3) U članu 24. stav (4), (5), (6), (7) pojam „zamjena isprava“ mijenja se sa pojmom „produženje važnosti isprava“
- (4) U članu 24. stav (8) riječ „pet“ zamjenjuje se sa „deset“.

#### Član 7.

Član 26. stav (3) mijenja se i glasi: “Fizičko lice kome je odobreno nošenje oružja dužno je kod nadležne policijske stanice podnijeti zahtjev za izdavanje oružnog lista za držanje i nošenje vatrenog oružja u svrhu lične sigurnosti i radi zaštite imovine u roku od 30 dana od dana prijema rješenja kojim se odobrava nošenje oružja.

Dodaje se stav (4) koji glasi: “Licima, kojima je u periodu prije stupanja na snagu ovoga Zakona izdat oružni list za držanje i nošenje oružja, zadržavaju stečena prava.

#### Član 8.

Član 27. briše se

#### Član 9.

U članu 28. briše se interpunkcijski znak “tačka” dodaju se riječi: “ na osnovu izdatog rješenja za osnivanje civilnog strelišta”

#### Član 10.

U članu 32. stav (6) briše se.

#### Član 11.

Član 36. Stav (6) broj "0,00" zamjenjuje se brojem "0,30"

#### Član 12.

(1) U članu 52. stav (2) mijenja se i glasi:

(2) Nakon protoka vremenskog roka od šest mjeseci, ako vlasnik ne proda oružje, pravo raspolaganja nad istim ima Ministarstvo unutrašnjih poslova."

(3) Stavovi (3) i (4) brišu se.

#### Član 13.

U članu 74. stav (1) mijenja se i glasi:

“(1) Novčanom kaznom od 100,00 KM do 500,00 KM kaznit će se fizičko lice za prekršaj, ako:“

U članu 74. stav (1), podtačka (d) broj „ 21“ zamjenjuje se sa brojem „18“.

#### Član 14.

(1) U članu 75. stav (1) mijenja se i glasi:

„(1) Novčanom kaznom od 100,00 KM do 500,00 KM kaznit će se fizičko lice za prekršaj, ako:“

(2) U članu 75. stav (2) briše se.

#### Član 15.

U članu 76. stav (1), podtačka (c) briše se.

U članu 76. stav (2) briše se.

#### Član 16.

Član 79. briše se.

#### Član 17.

(Stupanje na snagu)

Ovaj Zakon stupa na snagu osmog dana od dana objavljivanja u „Službenom glasniku Unsko-sanskog kantona“.

Broj:

Predsjedavajući Skupštine  
Unsko - sanskog kantona  
Razim Halčić, mr. informatike

## OBRAZLOŽENJE:

### PRAVNI OSNOV

Odredbama IV.1. i V.A.11.b). Ustava Unsko - sanskog kantona - prečišćeni tekst ("Službeni glasnik Unsko - sanskog kantona", broj: 1/4 i 11/04), propisan je postupak za donošenje Zakona, kao i izmjena i dopuna istih.

### RAZLOZI ZA DONOŠENJE

Razlozi za donošenje proizilaze iz činjenice da se pojedina primjena predmetnih članova predloženih ovim izmjenama pokazala neprimjenjiva u praksi te da izaziva određene nedoumice, nejasnoće i ogromno nezadovoljstvo kod sviju koje obuhvata ovaj zakon.

### OBRAZLOŽENJE PREDLOŽENIH ČLANOVA

#### Član 1.

U članu 2. tačka c) podtačka 4) treba brisati jer je u prethodnom stavu definisano da je oružni list isprava na osnovu koje se drži i nosi oružje.

Podtačka 9) istog člana stava- treba precizirati da se radi o oružju u vlasništvu pravnog lica. Isto se odnosi i na podtačku 10)

Neophodno je preciznije definirati pojam NOŠENJA oružja.

Smatram da je potpuno bespotrebno obavještavati nadležnu policijsku stanicu radi prenošenja oružja za koje posjedujemo validne oružne isprave radi promjene prebivališta ili boravišta fizičkog lica, odnosno promjene sjedišta pravnog lica, popravke, modifikacije ili prepravke oružja, smrti vlasnika, odnosno korisnika oružja, odlaska u lov, na sportsko takmičenje, na streljiste ili u drugim opravdanim slučajevima.

#### Član 2.

Optički nišan se ne smatra oružjem niti bitnim dijelom oružja kao ni vazдушna puška.

#### Član 3.

Javnim mjestom se smatra i lovno područje, odnosno šuma te je neophodno taj pojam izbaciti kako ne bi došlo do zabune kao i zloupotrebe.

Starosna dob se spušta sa 21 na 18 godina što je sasvim normalno.

#### Član 4.

Sa 18 godina starosti osoba se smatra punoljetnom i navršavajući ovu starosnu dob postaje punopravno i samostalno za obavljanje svih poslova te smatram da je i za nabavku i rukovanjem oružjem primjereno vezati za ovu starosnu dob. Stav Zakona koji uslovno omogućava licima sa navršenih 18 godina je bespotreban s obzirom na prethodno pojašnjenje.

Svatko ko posjeduje važeći oružni list već ispunjava uvjete za dobjanje istog te ako u toku posjedovanja neki prestane ispunjavati, oružje se svakako izuzima. Na ovaj način bi se bitno smanjio nepotreban obim poslova u upravi policije (provjere na terenu za koje se zna da lice prolazi) te dovelo do bitnih ušteda za građane (admin. takse za uvjerenja i ljekarski pregled).

#### Član 5.

Termin „zaposleno lice“ je nejasan te je opravdano da se umjesto tog termina koristi termin „lice“ a budući da certificirani instruktor za rukovanje oružjem provodi i obuku u rukovanju s oružjem nepotrebno je dodavati termin „certificirani instruktor za obuku“.

#### Član 6.

Važenje oružnih isprava povećati sa 5 na 10 godina je potpuno opravdano s obzirom da su zakonodavstva mnogih kantona pa i zakonodavstva iz našeg okruženja odredila upravo 10 godina za važenje oružnih isprava, a mnoga oružne isprave izdaju i trajno.

Smatramo da je neophodno da se vlasnici oružja obavijeste o isteku oružnih isprava prije isteka istih kako bi blagovremeno podnijeli zahtjeve za produženje istih.

Termin „zamjena isprava“ iz člana 24. zamijeniti sa terminom „produženje važnosti isprava“ jer se, doista, radi o produženju a ne o zamjeni.

#### Član 7.

Budući da se radi o jednoj ispravi za držanje i nošenje oružja (oružni list za držanje i nošenje vatrenog oružja) nema potrebe podnositi zahtjev za izdavanje samo dozvole za nošenje vatrenog oružja.

Dodaje se novi stav koji definiše prava licima koja su stekla prije stupanja na snagu ovog zakona.

Član 8. briše se jer je teško sprovediv u praksi..

#### Član 9.

Preciznije određuje ko to može nabavljati municiju za potrebe obuke, odnosno da su to organizacije koje posjeduju Rješenje za osnivanje civilnog strelišta.

#### Član 10.

Već ranije smo rekli da optički nišan ne treba smatrati oružjem te njegovo nabavljanje ne treba ni prijavljivati nadležnoj policijskoj stanici.

#### Član 11.

Očredba kojom se zabranjuje bilo kakav kontakt sa oružjem ukoliko je u krvi prisutno alkohola više od 0,00 g/kg je prestroga budući da upotreba i nekih drugih namirnica i pića a koja nisu alkoholna može pokayati prisustva određene količine alkohola u krvi. Lice koje u krvi ima prisustvo alkohola u iznosi od 0,30 g/kg se smatra sposobnim za upravljanje motornim vozilom te smatram da je ta količina prihvatljiva i u ovom slučaju.

## OBRAZLOŽENJE:

### PRAVNI OSNOV

Odredbama IV.1. i V.A.11.b). Ustava Unsko - sanskog kantona - prečišćeni tekst ("Službeni glasnik Unsko - sanskog kantona", broj: 1/4 i 11/04), propisan je postupak za donošenje Zakona, kao i izmjena i dopuna istih.

### RAZLOZI ZA DONOŠENJE

Razlozi za donošenje proizilaze iz činjenice da se pojedina primjena predmetnih članova predloženih ovim izmjenama pokazala neprimjenjiva u praksi te da izaziva određene nedoumice, nejasnoće i ogromno nezadovoljstvo kod sviju koje obuhvata ovaj zakon.

### OBRAZLOŽENJE PREDLOŽENIH ČLANOVA

#### Član 1.

U članu 2. tačka c) podtačka 4) treba brisati jer je u prethodnom stavu definisano da je oružni list isprava na osnovu koje se drži i nosi oružje.

Podtačka 9) istog člana stava- treba precizirati da se radi o oružju u vlasništvu pravnog lica. Isto se odnosi i na podtačku 10)

Neophodno je preciznije definirati pojam NOŠENJA oružja.

Smatram da je potpuno bespotrebno obavještavati nadležnu policijsku stanicu radi prenošenja oružja za koje posjedujemo validne oružne isprave radi promjene prebivališta ili boravišta fizičkog lica, odnosno promjene sjedišta pravnog lica, popravke, modifikacije ili prepravke oružja, smrti vlasnika, odnosno korisnika oružja, odlaska u lov, na sportsko takmičenje, na strelište ili u drugim opravdanim slučajevima.

#### Član 2.

Optički nišan se ne smatra oružjem niti bitnim dijelom oružja kao ni vazдушna puška.

#### Član 3.

Javnim mjestom se smatra i lovno područje, odnosno šuma te je neophodno taj pojam izbaciti kako ne bi došlo do zabune kao i zloupotrebe.

Starosna dob se spušta sa 21 na 18 godina što je sasvim normalno.

#### Član 4.

Sa 18 godina starosti osoba se smatra punoljetnom i navršavajući ovu starosnu dob postaje punopravno i samostalno za obavljanje svih poslova te smatram da je i za nabavku i rukovanjem oružjem primjereno vezati za ovu starosnu dob. Stav Zakona koji uslovno omogućava licima sa navršenih 18 godina je bespotreban s obzirom na prethodno pojašnjenje.

#### Član 12.

Ukoliko vlasnik oružja ne proda oružje u ostavljenom roku pravo raspolaganja nad oružjem pripada Ministarstvu unutarnjih poslova što je svakako bolja i korisnija opcija od one koja predviđa da se takvo oružje uništava.

#### Član 13.

Novčana kazna od 1.000,00 do 1.500,00 KM za prekršaj za fizičko lice je rigorozna te je s toga spuštена u raspon od 100,00 do 500,00 KM.

Starosna dob je spuštена sa 21 na 18 godina što je već objašnjeno.

#### Član 14.

Novčana kazna od 1.000,00 do 1.500,00 KM za prekršaj za fizičko lice je rigorozna te je s toga spuštена u raspon od 100,00 do 500,00 KM.

Stav(2) je potrebno brisati iz razloga jer je bespredmetno za prekršaje iz ovog člana, pored novčanih kazni, i oduzimati oružje.

#### Član 15.

Optički nišan se ne smatra bitnim dijelom oružja te nije potrebno prijavljivanje i dozvola za nabavljanje istog pa se ne može tako tretirati ni u kaznenim odredbama. S toga je potrebno brisati pomenutu podtačku iz stava (1).

Stav(2) je potrebno brisati iz razloga jer je bespredmetno za prekršaje iz ovog člana, pored novčanih kazni, i oduzimati oružje.

#### Član 16.

“(1) Oružje za koje se po odredbama ovog zakona izriče sigurnosna, odnosno zaštitna mjera oduzimanja oružja, bitnih dijelova, municije i isprava o oružju, može se oduzeti i kad se u krivičnom, odnosno prekršajnom postupku, optuženi ne proglašuje krivim, odnosno ako ne dođe do pokretanja krivičnog ili prekršajnog postupka, ako to zahtijevaju interesi opće sigurnosti i interesi morala o čemu se donosi posebno rješenje.

(2) Oružje iz stava (1) ovog člana će se uništiti.”

Ovaj tekst je potpuno nejasan, ne uređuje ništa, te s toga kao ovakav, i nepotreban.

#### Član 17.

Član Zakona koji određuje početak stupanja na snagu ovog Zakona.

### **FINANSIJSKA SREDSTVA**

Za realizaciju ovog Zakona nisu potrebna dodatna finansijska sredstva iz Budžeta Unsko - sanskog kantona.